

**15.SJEDNICA GRUPE UNGEGN-a
ZA ISTOČNU CENTRALNU I JUGOISTOČNU EVROPU
Ljubljana 19. - 20. aprila 1999**

**15th SESSION OF THE EAST CENTRAL AND SOUTH-EAST
EUROPE DIVISION OF UNGEGN
Ljubljana, 19th – 20th April, 1999**

Na 14. sastanku **Grupe eksperata Ujedinjenih nacija za geografske nazive** (UNGEKN), za Istočnu Centralnu i Jugoistočnu Evropu, Slovenija je, nakon Mađarske, određena za predsjedavaćeg Grupe za period od 1998. do 2002.

U skladu s tim, 15. sjednica Grupe održana je od 19. do 21. aprila 1999. godine. u Ljubljani u Grand hotelu Union.

Na ovom sastanku su uzeli učešće dvadesetsedam predstavnika iz deset zemalja i to: Austrije, Bosne i Hercegovine, Bugarske, Češke Republike, Hrvatske, Mađarske, Italije, Poljske, Slovačke i Slovenije, a nisu učestvovali predstavnici Albanije i Makedonije.

Dnevni red je sadržavao:

- Izvještaj 7. Konferencije UN o standardizaciji geografskih naziva,
- Nacionalnu (državnu) standardizaciju,
- Smjernice za toponime za karte i druga izdanja,
- Fajlove toponimskih podataka i geografski rječnik,
- Terminologiju u standardizaciji geografskih naziva,
- Sistem u okviru pisanja i smjernice za izgovor (romanizacija sistema),
- Nazive u okviru država,
- Nazive u drugim (susjednim) državama (Exonyms),
- Toponimsku WEB stranicu na Internetu,
- Saradnju sa drugim regionalnim grupama i
- Implementaciju Rezolucija i ciljeva u funkciji UNGEGN-a

Po ovim pitanjima podnešeni su izvještaji zemalja učesnica i vođena rasprava, a na kraju je usvojen MEMORANDUM (izvještaj) 15. sjednice Grupe za Istočnu Centralnu i Jugoistočnu Evropu UNGEGN-a.

Kao prvi korak u Bosni i Hercegovini bi bio obrazovanje Komisije za toponime, koja bi vodila aktivnost u ovoj oblasti i okupljala stručnjake za aktivno učešće i realizaciju smjernica u okviru Grupe UNGEGN-a.

Faruk Selesković